




# VÁLGGA

INFORMASJON

Julevsábmáj | Lulesamisk

## Stuorradigge- ja sámediggeválgga 2017

Ájnas diedo dunji guhti jienastit galga



Válggabiejvve le ragátmáno 11. bieje. Mujte duodastusáv!

VÁLGGA direktoráhtta

## Stuorradigge- ja sámediggeválgga 2017

**Stuorradigge** le Vuona álmukválljidum rijkatjåhkalvis. 169 ájrrasa válljiduvvi juohkka nælját jage. Da galggi ávdástit álmugav juohkka 19 fylkas. Stuorradikke ájnnsamos doajmma le lágajt dâhkkidit, ja stáhta budsjehtav mierredit ja ráddidusáv bærrálgæhttjat.

**Sámedigge** le iesjrádálasj álmukválljidum orgádna ja le sáme álmuga sâhkaguodde. 39 ájrrasa válljiduvvi juohkka nælját jage. Sij galggi sámijt ábbå rijkas ávdástit. Sámedigge mierret ietjas budsjehtav daj rámmaj milta majt guovdásj oajválattjajs oadtju. Moatten suorgen le Sámedikken mierredimfábmo.

Dán tjállagin oattjo diedojt gâktu jienastit galga.

## Válggabiejvve le mánnodagá ragátmáno 11. biejve 2017

Moatten suohkanin máhttá aj jienastit sádnâbiejve ragátmáno 10. biejve. Suohkana ietja diededi jus le máhttelis jienastit avta jali guovte biejve birán.

### **Mujte duodastusáv gâ jienasta!**

Válggaláhka gâjbbet duodastusáv jienastiddjes gev e dâbdâ. **Duodastus** máhttá liehket pássa, vuodjemkârttâ jali bánŋkakârttâ aktan gâvâjn, valla ietjá duodastus aj dâhkki. Duodastusán galggá gâvnnut jienastiddje namma, riegádimbiejvve ja gâvvâ.

Jus le institusjâvnân årromin duola degu skihppijsijdan, skihppijvieson jali giddagisán, máhtá institusjâvnâ barggev oadtjot identitiehtav duodastittjat.

### **Divna jienastiddje oadtju jienastimkârtâv**

Jienastimkârtân gâvna diedojt gânnâ ja goassa máhtá jienastit válggabiejve. Jienastimkârtâv galla i dârbaha gâ jienasta, valla diedoj hárráj le dat ávkálasj. Jienastimkârttâ *ij dâhkkiduvá* duodastussan.

Jienastiddje gudi jienasti stuorradigge- ja aj sámediggeválgan oadtju guokta válggakârtâ.

# Stuorradiggeválgga

## Guhti máhtta jienastit?

Stuorradiggeválgan máhtti Vuona stáhtaviesáda jienastit gudi li állim 18 jage. Nuoges le jus jienastiddje álli 18 jage válggajagen. Jienastiddje viertti liehket, jali læhkám tjáledum árron Vuonarijkan.

## Goassa ja gánná jienastit?

**Válggabiejve** jienasta suohkanin gánná le árron tjáledum snjilltjamáno 30. biejve 2017. Máhtá ietjat suohkanin jienastit makkár válggahuodnahin sidá. Gehtja gáváv nuppe bielen gáktu válggabiejve jienasta.

**Árabut jienastit** máhtá snjilltjamáno 1. biejves gitta ragátmáno 8. bæjvváj makkár suohkanin sidá.

Jus muhtem suohkanin álggolin ietjat fylka jienasta, de oattjo jienastimlistav gánná li registrieridum politihkalasj belludagáj namá, valla kandidáhtaj namá vádnuni. Dån hæhttu ruossav biedjat jali tjálestet makkár belludagáv/juohkusav jienasta. Máhtá aj iesj áttjudit jienastimlistav ietjat fylkas ja adnet dav jus sidá listav gáktuk rievddadit.

Jus le skibás jali sáhtus, de máhtá suohkanis áhtsát vaj besa árabut sijdan jienastit. Suohkan diedet goassa ja gánná jienastit máhtá.


### Le gus jienastimlanjáv áhtsámin?

Jali goassa jienastit máhtá?


Átsá jienastimlanját mobijla baktu: [www.valglokaler.no](http://www.valglokaler.no)




## Gåktu válggabieje jienasta?




1) Válde dav jienastimlistav mav sidá adnet.



2) Rievddada jienastimlistav jus sidá (gehtja bagádusáv nuppe bielen).



3) Máhtsasta jienastimlistav belludaknamájn sisi ja bielev gággu stimpelt álgus - de aktak ij vuojne mav jienasta. Konvoluhtta jalik skálmhá ij galga jienastimlista birra aneduvvat.



4) Maná válggabargge lusi ja stimpeldahte jienastimlistav álgolt. Jienastimlista viertti stimpelduvvat vaj dâhkkiduvvá!



5) Bieja stimpeldum jienastimlistav válggagárráj.


## Gåktu jienastimlistav rievddada?

Ietjat duogen le jus sidá jienastimlistav rievddadit (gehtja bagádusáv vuolebun). Jus i rievddada, de jienasta dån kandidáhtajt nav gárggot gåktu li jienastimlistan.

Jus duv rievddadime jienastimlistan galggi vájkkudahttet válggabåhtusav, vierttiji rievddadime sæmmi kandidáhta hárráj dagáduvvat inep gá bielleoases jienastiddjijs fylkan gudi li jienastam belludagáv/juohkusav.

Bágádus gåktu rievddadimijt dagá gávna aj jienastimlistan.

### Náv máhtá jieastimlistav rievddadit:



**Målso kandidáhtaj sajev listan**  
Bieja (ådå) nummerav ruktuj kandidáhta(j) **gåro bælláj** ma vuosedi gåktu dån sidá kandidáhta(j) sajev listan galggi.



**Vasko kandidáhtajt**  
Bieja merkav (ruossav, tsiehkev jali muodugattjav) ruktuj dan kandidáhta jali daj kandidáhtaj **oalges bælláj** gev sidá vasskot.

## Guhti válljiduvvá?

Juohkka fylkas le mierredum lårho ájrrasijs Stuorradikken. Válggabåhtusij maññela juogeduvvi saje belludagáv/juohkusij gaskan fylkan. Ja dan maññáj gávnaði guhtimuttja kandidáhtajs oadtju sajev. Dan maññela rájaduvvi válggabåhtusa rijkaválggastivrraj mij gávnað guhtimuttja kandidáhtjas oadtju dássedimmandáhtajt. Juohkka fylkas válljiduvvá akta dássedimmandáhta. Tjoahkkáj válljiduvvi 169 ájrrasa Stuorradiggáj.

## Sámediggeválgga

### Guhti máhtta jienastit?

- Sáme gudi li Vuona stáhtaviesáda, ja gudi li állim 18 jage válggajage birán, ja gudi li, jali li læhkám árron tjáledum Vuonarijkan.
- Svieriga ja Suoma sáme gudi li állim 18 jage válggajage birán, ja gudi li, jali li læhkám árron tjáledum Vuonarijkan biejes 30.6.2017.
- Sáme gudi ælla nuorttarijkaj stáhtaviesáda, ja gudi li állim 18 jage válggajage birán, ja gudi li læhkám árron tjáledum Vuonarijkan gálmma manemus jage ávddála válggabieje.

Ækton le liehket tjáledum sáme jienastusláhkuj.

### Goassa ja gánná jienastit?

Dán máhtá jienastit sæmme ájge gá stuorradiggeválggaj (gehtja ávddálin). Jus le árromin suohkanin gánná le binnep gá 30 jienastiddje sámediggeválggaj, de ij máhte válggabieje jienastit. lenni hæhttu árabut jienastit. Sámedikke næhttabielijn gávna diedojt makkár suohkanijda dát guosská. Suohkana vaddi diedojt gánná máhtá sámediggeválggaj jienastit.

### Gáktu jienastimlistav rievddadit?

Jienastimlistav máhtá rievddadit jus málsó kandidáhtaj sajev. Ij le máhttelis kandidáhtajt vasskot.

Sámedigge sáddi válggakártáv diedoj gájkajda gudi li sáme jienastusláhkuj tjáledum.

lenep diedojt gávna dánna: [www.valg.no](http://www.valg.no) jali [www.samediggi.no](http://www.samediggi.no)



Almoduvvam jagen 2017 Válggadirektoráhtas

Publikasjávnná le járggáluvvam aj ádádároggiellaj, sámeigiellaj ja låge vieresgiellaj

Jus dárbaaha ienep diedojt válga birra, de gehtja [www.valg.no](http://www.valg.no)